



Inatsisartuni ilaasortaq
Debora Kleist
Inuit Ataqtigiit

Indgået

10 OKT. 2016

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Kiffartuussinissamut isumaqatigiissutit pillugit § 37 naapertorlugu apeqqut nr. 244-mut akissuteqaat

Brevdato: 07-10-2016
Sags nr.2016 - 14505
Dok. nr. 13714333

Asasara Debora,

Aallarniutigalugu kiffartuussinissamut isumaqatigiissutit pillugit apeqquteqaatinnut, Inatsisartut suleriaasianni § 37 naapertorlugu nassiussannut qujavunga.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Apeqqutinni tunngavilersuutigisannut oqaaseqaammik ilanngussivunga. Disko Line ilaatigut Kalaallit Nunaata kujataani neqerooruteqartitsinermi ajugaasuuvoq. Neqerooruteqartitsinermit najoqqutassani piumasaqaatit tunngavigalugit Disko Line ataatsimut isigalugu aningaasaqarnikkut iluanaarnarnerpaamik neqerooruteqarsimavoq.

Apeqqut 1.

Kiffartuussineq nutaaq 1. januar 2017-miit atuutsinneqalertussaq, aallaavigalugu kujataani illoqarfiit akornanni, aammalu illoqarfiit nunaqarfiillu akornanni qulimiguulimmik imaluunniit imaatigut angallammik akit sorliit atorniarneqarnersut?

Akissut:

Naalakkersuisut kiffartuussinissamut isumaqatigiissutinut isumaqatiginninniutigineqarneri aqqutigalugit akit annerpaaffissaannik, ullumikkornit annertunerusumik allannguiffiunngitsumik aalajangersaapput. Sumiiffinni angallasseriaatsinik marlunnik neqerooruteqarfiusuni angallannermi suliassanut akit annerpaaffissaat qulimiguulimmik angallassinermut tunngasuuvoq. Imaatigut angallassineq qulimiguulimmik angallassinermiit akikinnerusumik neqeroorutigineqassaaq.

Kisiannili Qaqortup aamma Narsarsuup akornanni qulimiguulimmik angallassinermut akiusoq qaffanneqassaaq, qulimiguulimmut bilitsimut akiusoq 1.061 koruunimiit 1.400 koruunimut qaffanneqassalluni. Angallavimmili tassani angallasseriaatsinik akikinnerusunik allanik neqerooruteqartussaavoq.

a.

Naalakkersuisuniit qanoq qulakkeerneqarsimava 1. januar 2017-p kingorna assersuutigalugu, angalaniartup qulimiguulimmik angalanissani toqqarsimaguniuk, akit ullumikkut atuuttut akigitinneqaannassasut, soorlu Nanortalimmiit - Qaqortumut kr. 803,-ussasoq. Aammalu Alluitsup-Paniit-Qaqortumut 936,-ussasoq.

Akissut:

Akit annerpaaffissaat neqerooruteqartitsinermit najoqqutassani aamma sullissisunut isumaqatigiissutini aalajangersagaapput.

Apeqquut 2.

Naalakkersuisuniit qulakkeerneqarsimanerpoq qulimiguulimmik attartornermi isumaqatigiissut sorleq atorniarneqarnersoq. Tassani nalinginnaasumik (ruteflyvning) iml. immikkut attartorneq atorniarneqarnersoq(charterflyvning)?

Akissut:

Disko Line Kalaallit Nunaata kujataani angallannermi suliassat neqerooruteqarfigineqarnerini ajugaasuvoq, taamaattumillu tapiissutit isumaqatigiissutaasut atorlugit ilaasunik angallassinissaq qulakkeertussaavaat. Pisinnaasamik sumiiffimmi angallannermut pisariaqartitsinermut naleqquttumik neqerooruteqarnissaq sullissisup qulakkeertussaavaa. Disko Line-p neqerooruteqarnerminut ilagitillugu nalunaarutigaa, Kalaallit Nunaata kujataani taamatullu Qeqertarsuup Tunuani qulimiguulinnik attartornissaq pillugu Air Greenlandimut isumaqatigiissuteqarsimallutik.

Apeqquut 3.

Kujataani Bell 212 nalinginnaasumik atorunnaarsinneqarneranut atatillugu sulisunik 37-inik soraarsitsineq qanoq naleqassanersoq ilisimaneqarnerluni?

Akissut:

Aallarniutigalugu erseqqissassavara, Disko Line-mit 20.09.2016-imi tusagassiorfinnut nalunaarut naapertorlugu qulimiguulik Bell 212 Kalaallit Nunaata kujataani atorunnaarneqarniingitsoq.

Air Greenland Kalaallit Nunaata kujataani timmisartuussinissamut Disko Line-mit attartorneqassaaq.

Tamatumunnga atatillugu erseqqissassallugu uannut pingaaruteqarpoq, Mittarfeqarfiit Kalaallit Nunaata kujataani heliportinik matusinissaq siunnerfiginngimmassuk. Qulimiguulinnut mittarfiit ullumikkut atorneqartut tamarmik 1. januar 2017-ip kingorna ammaannartussaapput. Atorneqaannartussaanagerat, taamaattumillu inuttaqaannartussaanagerat tamatumunnga peqqutaavoq.

Naalakkersuisut Air Greenlandip Kalaallit Nunaata kujataani aamma Qeqertarsuup Tunuani kiffartuussinissamut isumaqatigiissutinut ajugaannginnerata kingunerisaanik, ingerlatseqatigiiffiup qanoq iliorluni niuerfimminik naleqqussaaniarneranut sunniuteqarsinnaanngillat.

Air Greenlandimit oqaatigineqartut malillugit kiffartuussinissamut isumaqatigiissutinut isumaqatiginninniarnert inernerit naleqqussaaneermik kinguneqartussaapput. Kisiannili sullissisup ajugaasup suliassat nutaat naammassiniarlugit aqqissuussaanini naleqqussarumaaraa naatsorsuutigineqarsinnaavoq. Assersuutigalugu Disko Line nalunaarpoq, ingerlatseqatigiiffiup siunissami Qaqortumi amutsivimmik atuinnissaa pillugu Kommune Kujalleq oqaloqatigineqarluni aallartissimasoq, tamannalu aamma tassani suliffissaqarnermut sunniuteqassasoq ilimagineqartariaqarpoq.

Apeqquut 4.

Sullissinissamut isumaqatigiissut tunngavigalugu qanoq annertutigisumik ilinniartoqarnermut/praktikkertornermut sunniuteqarumaarnersoq eqqumaffigineqarnerpa?

Akissut:

Apeqquut 3-mut akissut takuuk.

Air Greenland aamma Disko Line namminneerlutik suliffeqarfinni atorfinitsitsisarnerminni tullerriaarisassapput.

Naalackersuisut innuttaasunik kalaallinik ilinniartitaanerminni suliniuteqarnissamut suliffissaqartitsinissamullu kaammattuipput pingaartitsillutillu, tamannalu aamma neqerooruteqartitsinerminni CSR-ip, naliliinerminni tunngavissani katillugit sisamaasuni ilaasup ataani pingaaruteqartutut inissisimavoq.

Apeqquut 5.

Kujataani Qeqertarsuup tunuani angallannikkut kiffartuussinissamik isumaqatigiissut nutaaq kommunenut eqqorneqartunut qanoq naleqarumaarsinnaanera Naalackersuisuniit ilisimaneqarnerluni?

Akissut:

Kiffartuussinissamut isumaqatigiissutinut tapiissutit Nunap Karsianit tunniunneqartarput, Aningaasanut Inatsimmi kontomi pingaarnermi 72.20.05 Ilaasunik angallassinermut tapiissutit, aningaasaliissutit taakkununga tullerriaagaammata. Tassalu kiffartuussinissamut isumaqatigiissutinut aningaasartuutit kommuninit akilerneqartussaangillat.

Inussiarnersumik inuulluaqqusillunga

Knud Kristiansen